

Anhwylderau Personoliaeth

Mae anhwylderau personoliaeth yn fath o broblem iechyd meddwl lle mae eich agweddau, eich credoau a'ch ymddygiadau yn achosi problemau hirdymor yn eich bywyd.



Efallai y cewch ddiagnosis o anhwylder personoliaeth os yw'r tri pheth hyn yn gymwys:

- Mae'r ffordd rydych yn meddwl, yn teimlo ac yn ymddwyn yn peri problemau sylweddol i chi neu eraill yn eich bywyd bob dydd.
- Mae'r ffordd rydych yn meddwl, yn teimlo ac yn ymddwyn yn peri problemau sylweddol mewn gwahanol agweddau ar eich bywyd. Efallai y byddwch yn ei chael hi'n anodd gwneud neu gadw ffrindiau, rheoli eich teimladau a'ch ymddygiad neu ddod ymlaen gyda phobl yn y gwaith, er enghraifft.
- Mae'r problemau hyn yn para am amser hir. Efallai fod y patrymau anodd hyn wedi dechrau pan oeddech yn blentyn neu yn eich arddegau, a gallant barhau pan fyddwch yn oedolyn.

Mae sawl math gwahanol o anhwylderau personoliaeth, a threfnir hwy yn dri chategori:


Amheus: [paranoid](#), [sgitsoid](#), [sgitsofathaol](#), [gwrthgymdeithasol](#)

Emosiynol a byrbwyll: [ffiniol \(BPD\)](#), [histrionig](#), [narsisaidd](#)

Gorbryder: [osgoaol](#), [dibynnol](#), [obsesiynol cymhelleol \(OCPD\)](#)

[\(Darllen rhagor : Mind\)](#)

Anhwylder Personoliaeth Ffiniol (BPD)

Anhwylder Personoliaeth Ffiniol (*Borderline Personality Disorder – BPD*)  yw'r anhwylder personoliaeth mwyaf cyffredin, ac mae'n effeithio ar sut bydd rhywun yn meddwl, yn teimlo, yn cysylltu ag eraill, ac ar eu canfyddiadau.

Gellid grwpio symptomau BPD i bedwar prif maes:

1. Ansefydlogrwydd emosiynol
2. Ansadrwydd mewn patrymau meddwl a chanfod
3. Ymddygiad byrbwyll
4. Perthnasau dwys ond ansefydlog gydag eraill

[Darllen rhagor am Anhwylder Personoliaeth Ffiniol](#)

Mwy o wybodaeth

- [Darllen rhagor am Anhwylderau Personoliaeth ar meddwl.org](#)
 - [Anhwylder Personoliaeth Ffiniol \(BPD\) : meddwl.org](#)
 - [Beth yw anhwylder personoliaeth? : Mind](#)
 - [Anhwylderau personoliaeth : Gofal](#)
-

Dolenni eraill

- [Fforwm drafod : Anhwylderau Personoliaeth](#)
- [Cymorth](#)
- [Triniaethau](#)
- [Gwybodaeth, llinellau cymorth a rhestr o elusennau](#)